



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXIV.

urn:nbn:de:hbz:466:1-42840

ANNO MDCXIV.

*In pau-
peritate ad
illam con-
fugere.*

488. In MARIANA Laureti domo, cum primus
istic Collegium gubernaret P. Olinarius Manaræus
hoc anno Tornaci è viuis, vt spes est ad immortales
translatus, suauissimæ suæ erga Matrem, DEI fidu-
ciæ celebres illos fructus cepit, quos in Hist. Soc.
videre est: quòd nempe ope Deiparæ in annonæ do-
mesticæ angustijs, farina modica sub laborantium
manibus manifestè increuerit: quòd in pecuniæ
necessitate præsentissimum ac opportunû à pio pe-
grino subsidium sit allatum: quòd cum promus
panes domi non haberet, neque pecuniam, consue-
to aris campani signo conuocati nostri ad mensam,
panes in triclinio singuli suis in orbibus singulos,
diuinæ Matris, velut manu submissos, inuenerint.
Ne desides itaque, sed plenos dulcis fiduciæ animos
geramus. Manebit etiam in nobis experimento
latabili vetus illa B. V. laus illi à S. Bonauentura

*In hymno
Laus Ma-
rie.*

hisce versiculis decantata: *Confirmas mentes, desides:
Et tuis seruis provides. Impetrando subsidium.*

489. Apud Tarraconenses quidam dubitans ani-
ritè fuisset expiatus, adhibuit sibi B. Virginem, vt
eius ope doceretur, si quid omisisset: cui per som-
nium indicari visum est vt certa quædam peccata
recoleret apud Sacerdotem. Redijt ergò ad nos,
ac multo cum fletu iterùm confessus, animo deinceps
acquieuit, egregiè memor accepti à Magna
Matre beneficij. Ad illam à nobis destinandi sunt
qui nobis conscientiam suam aperiunt. S. Ioannes
Damasceus ita orat: *Multiplicata sunt super arenas
maris peccata anime meæ, & non est mihi requies. Tu
quæ misericordiæ pelagus peperisti, libera me ab oppri-
mente afflictione.*

*m. f. fer. 5.
ode. 5.*

490. Ebredunense Collegium hoc anno 1614.

An.

Anceps, ait, nobis causa cum esset in Aquensi
senatu, suadentibus amicis, triennium iam fileba-
mus, ne ambigui iudicij subiremus aleam: sed ad-
uersario urgente, ad causæ dictionem veniendum
tandem fuit. Tum verò humanæ opis damnatis
subsidijs, Beatæ Virgini Ebredunensi supplices fui-
mus. Ad rem ubi ventum est, cum è multis vnus
causæ patronus vix reperiretur, qui suam operam
nobis commodaret, accepimus quem potuimus
iuuenem quendam, non imparatum illum quidem
à doctrina, sed quem fori subsellia vixdum cogni-
tum, semel, aut iterum dicentem audierant. sed
DEVS nervorum, & facundiæ ad rem nostram illi
tantum contulit, vt obmutescentibus pœnè aduer-
sarijs, & cunctis admirantibus, vicerit luculenter.
O Deipara, orat iterum Damascenus, fortis protectio
honorantium te! Me sub infesti mundi rectoris manu op-
pressum libera ab eius tyrannide.

491 Chuquiati è Peruana Prouincia scribitur
hunc in modum: Auxilium nostri Sacerdotis de-
poscebat non nemo ad eius prouolutus genua vt
suas noxas aperiret, quas multo nitens conatu non
posset exprimere. Diu dubitatum est ab nostro,
num vir ille à Cacodamone insideretur, qui tanto
in nisu eloqui nihil posset, & rictu præferret insa-
nientis speciem. Suasum demum à nostro sacerdote,
MARIAM invocaret, & erogaret in pauperes tot au-
reos, quot MARIA literas in suo nomine censeret.
Nihil ille cunctatus, promit aureos quinos, & diui-
dit: moxque fertur illi adfuisse expeditissimam
facultatem sua enunciandi peccata. Merito iterum
S. Ioan. Damascenus: *Abyssum misericordie habes,*
miserere eorum qui te magnificant.

492 Hoc anno 1614. 9. Martij à consortione

LL 2

mor-

Lites B.
Virgini cõ-
mutere.

m. f. ser. 5.

ode 7. 9.

5.

Eleemosy-
nam dare
in hono-
rem B. Vir-
ginis.

ibid. ode 9.

B. V. in
vita du-
cem eli-
gere.

Menſa 9.
Marij.

Expende-
re in quo
conſiſtat
pietas er-
ga B. V.

Et modum
acquiren-
di pieta-
tem erga
B. V.

mortalium in tranſijt ad immortales P. Franciſcus Bo-
nalduſ à Molinenſi Vrbe honorificentiffimè cele-
bratus, ob nobilia virtutis eximie decora quibus
reſplenduit. Deſiderabat ille, Deiparam eligi ab
omnibus fiducia ſingulari in ducem viae ac vitae,
ideoque in *Aue maris ſtella*, dulciſſimè commenta-
tus, libello titulum fecit: *Stella myſtica, quae omnibus
ad optatum aeternae ſalutis portum appellere deſideranti-
bus ducatum praebet*. In odorem unguentorum Dei
haec nos ducit ac trahit; haec caeſti carbone nos ac-
cendit, atque illuminat. Vnde Graeca Eccleſia il-
lam ſic precatur: *Thuribulum aureum, carbone divi-
no reſertum, cordis mei foetorem in ſuavem fragrantiam
muta*.

Hoc eodem anno 1614. (praeter alia quae de
B. V. edidit) prodijt Bononiae P. Petri Iuſtinelli dux
Angelicus ad deuotionem B. Virginis. in quo vt cor ſo-
lida ad B. V. amorem accendat, expendit tenerri-
mum amorem B. Virginis erga ſuos, eiufque cauſas
exponit; beneficia particulatim exequitur. Modum
hunc acquirendi aſſignat: 1. Pietatem hanc ab ip-
ſa B. V. frequenter ac flagranter flagitandam: vt à ſuo
Filio illam nobis obrineat, ceu ſingulare donum,
Dei, ad quod efficacitate maiore obtinendum ro-
gandos eſſe vt inuent, SS. Ioaſchim, Annam, Iose-
phum, Ioannem Euangeliftam. 2. Conſideranda
amoris erga illam motiua, & exempla. 3. Libenter
de illa audiendum, legendum, loquendum publice
ac priuatim. 4. Imitationem comparandam, ſi vt
ſcias quid ſit illa virtus quam quaeris, & qui ſint
actus illius, deinde quomodo illam B. Virgo exer-
cuerit: quae omnia & P. Arias, & ipſe Iuſtinellus be-
ne proſequitur. Grata Deiparae obſequia ait con-
ſiſtere in orando, & agendo. Conſecrandum, de-
di-

dicandum, donandum dicit cor nostrum sacrosancto illius cordi cum omnibus animi & corporis nostri sensibus; petitque ibid. ab illa sanctissimas virtutes. Addit vt ante diem oblationis cordis, cordi B.V. honorando, præmittatur ieiunium, preces, ciliicum, confessio, visitatio alicuius infirmi, vel carcerum, disciplina per spatium *salve Regina*: & post communionem faciendam esse illam oblationem, formulâ quam ille ponit, & quam potest quivis vel ipse concipere, vel aliquam ex hoc nostro libro seligere. Quotannis circa festum Præsentationis B.V. tria sacra curanda, tria rosaria recitanda, tria ieiunia, & simul tres eleemosynæ faciendæ, in honorum trium annorum B.V. cum triennis fuit præsentata in templo: petendum per illam lumen in omnem vitam. Singulis mensibus vitium aliquod eligendum quod eo mense extirpes, petito per B.V. auxilio gratiæ DEI: dicendumque, in honorem B.V. virtute illi vitio contrariâ excellentis, semel *Pater & Ave* quotidie. Vesperi quoties lapsum te reperisti in illud examinis particularis vitium, propone toties te *salve Regina*, vel Litanias B.V. aut aliud aliquid, dicturum vel facturum. Super portam cubiculi habebis B.V. imaginem quam salutes dum ingrederis vel egrederis; aut etiam osculeris: aliam in loco vbi studes, vel agis tua negotia: aliam ad caput graduum, seu scalarum in porta domus, &c. Aliquid operis aggressurus, dic: *Domina, in adiutorium meum intende: Domina, ad adiuuandum me festina. Virgo Mater, fac vt omnia quæ ago sint ad maiorem DEI gloriam, & salutem animæ meæ.* In tentatione rogabis B.V. per dolores suos vt tibi subueniat, & dices *Ave MARIA* quod Blosius ait esse fortissimum remedium: vel *Da mihi virtutem contra hostes tuos &c. Af-*

fictus

*Cor cordi
B. Virgini
offerre*

*Præsent.
B.V.*

*Examine
particula-
ri illam
colere.*

*Ad cubi-
culum.*

*Ante
opus.*

Actus dic *Salve Regina* vel 5. *Aue MARIA*, vt per 5. summos suos dolores patientiam tibi obtineat. Orabis *DEVM* pro exaltatione nominis *MARIE*; & pro illis omnibus qui illud blasphemant vt conuertantur offeres *B. V.* pro compensatione omnes laudes quæ illi fiunt in caelo & in terra.

Vide pag.
214.

Antiquas
B. Virgi-
nis ima-
gines in-
staurare.

ibid. lib. 2.
p. 136.

Hibernus.
obijt Ma-
driti 1614
17. Iunij.
Sabbato
meditari.

493 Si quam vetustate ac obliuione longâ neglectam *B. V.* imaginem videamus, illam restaurandam esse monet *P. Simonis Vviperman* exemplum. de quo *Guilielmus Gumpenberg* *Atlantis Mar.* lib. 1. in imagine *Paderbonensi* ait: Romanam quandam *B. V.* statuam hæretico furori ereptam, in fornice templi *S. Ioannis Bapt.* collocatam; vbi, templo Societati iam tradito, cum eam vidisset *P. Simon Vviperman* (iuuat, inquit, autor, cultoris primi nomen apponere) *Minister Collegij* anno 1614. vermibus exesam, & planè informem, consilium quæsivit, quod in senibus erat; qui statuam vt viderunt, ipsissimam aiebant esse Romanam, tot olim miraculis celebrem; quod ab alijs quoque in Vrbe senibus confirmatum est. Statuario itaque tradita est reparanda &c. Reparatam statuam *Episcopus Theodorus* iterum consecrauit. Putatur noster quidam *Nouitius*, huius ope diuinitus curatus à pfora & hernia. Vera est illa, vera planè *Messanensis B. V.* imaginis à *S. Luca*, vt putant, pictæ inscriptio, quæ ex *Græco* *Latinè* ita habet: *Velox auscultatrix.* Semper prompta est audire, modò nos illam rogare prompti simus.

494 *P. Guillelmus Bathens* pro festis *Deiparæ* actum in pane & aqua ieiunium sibi constanter indicabat, vt hac fame aleret eam quæ erga *Dei* *Marris* obsequia ferebatur cordis verè amantis pietatem. Sabbato quoque ieiunium corpori, menti epulas indicabat.

enobis

cebat

cebat, duabus horis ad B. V. amorem meditatè in-
 se perpoliendum, augendumque constanter expensis,
 Angelicæ in oculis modestiæ laude dignus, cuius
 oculi esse oculi clientis, Deiparæ agnoscerentur ab
 omnibus qui eum videbant. At ut oculi ad hanc
 MARIANÆ modestiæ laudem sese componant, ro-
 ganda est cum S. Iosepho Græco Virgo, ut illa men-
 tem nostram componat. Inde enim nascuntur ori-
 gines oculorum inquietorum, inde oritur casta illa,
 tranquilla, & amabilis modestia. *Confirma, inquit
 ille ad hanc mentis & oculorum nostrorum præ-
 ceptricem, & stabilem effice mentem meam, multis pas-
 sionibus circumagitatam.*

495. Messanæ erecta B. V. à pietate Congrega-
 tio secreta quæ non nisi 33. Sodales, admittebat se-
 cretis pietatis officijs addictos. Hæc fundavit, &
 elemosynis fouit Sodalitatem Mendicorum, qui
 sub aliquo de Societate, quartâ mensis cuiusque
 Dominicâ, longâ serîe supplicabundi, & B. V. Lita-
 nias canentes ad Societatis templum conveniunt, &
 à Sodalitate B. Virginis de pietate, singuli tantâ
 elemosynâ donantur, quanta illis in commodam
 vnius diei sustentationem sufficiat. Ibidem postea
 anno 1627. inchoata, anno 1630. latè increvit Con-
 gregatio vniuersalis, sub titulo *Conuersationis*
IESV, MARIAE, Iosephi, ubi duo de Societate instar
 dialogi colloquuntur de aliquo argumento pio, &
 audientes mirè delectant, instruunt, & accendunt.
 Hæc Sodalitas habet quandam B. V. imaginem quæ
 olim in summo tēplo celebrabatur Rhodi, sed vrbe
 à Turcis captâ Messanam allata est. Bis quo heb-
 domadis conveniunt ad hanc Sodalitatem capita
 ferè quingenta. Hæc oranda est enixius, ut nostra
 & eorum quos ad eius amorem incitamus, pectora
 per-

m. f. 29.
 Nou.

B. Virgi-
 nem colere
 elemosy-
 nis paupe-
 rum procu-
 ratis.

Item col-
 loquio seu
 dialogismo
 de B. V.

tom. 2. fol.
404. orat.
ad B. V.

perseueranter inflammet . cui S. Bernardus supplex
ita loquitur: *O pia, O Magna, O multum amabilis*
MARIA, tu nec nominari quidem potes, quin accendas,
nec cogitari, quin recrees affectus diligentium te. Tu
nunquam sine dulcedine diuinitus tibi insita memorie
portas ingrederis,

ob. 1614.
6. Nou.
Lima.
Medita-
tione, &
mortifica-
tione illa
colere.

496 *Alphonsus Ouandus annos 17. natus, in So-*
cietate non nisi 8. menses vixit. Hic aiebat; amo-
rem quo Deiparam amaret sibi esse panis quoti-
diani instar: omnes suæ pietatis exercitationes illi
esse coniunctas; vt pani quotidiano reliqui cibi con-
iungi solent. Quærere se, quid illi facere possit ob-
sequi; & si quid reperisset, sine mora implere. Te-
pidum quendam languorem, si quando obreperet,
facile à se illâ cogitatione superari: Hoc facio amore
Beatissimæ Virginis. Quomodo hoc fecisset Domina mea?
Ita sibi ad omnia benè animato suaues igniculos
accessisse. Fortis erat illius amor erga Deiparam;
totum corpus flagris conciderat: septem cilicijs se
accingebat. Interea in perpetua quadam Deiparæ
recordatione tenero semper innocentis ac virginet
animi sensu versabatur, nullius legis vnquam vio-
lata reus, & orandi dono per illam obtento singula-
ris. Nempe hæc est illa, è sensu S. Edmundi ita illa
lam (in officio B. V.) quotidie salutantis, intemerata,
& in æternum benedicta, singularis atque incomparabilis
Virgo, per quam post DEVM totus vniuersus Orbis terra-
rum.

in officio
ad B. V. et
S. Ioan-
nem.

497 *Idem Alphonsus Ouandus tiro Matri Virgini*
præter integerrimam quâ pollebat virginitatem;
præcipuâ imitatione colendæ prælargè addictus,
faciebat quidquid ijs commendamus quos ea in
virtute cupimus eminere. A Patre quodam sub
mortem quid demum per illam obtinisset, fidentius
roga-

rogatus, duo dixit, capita reliquorum. Alterum, quod suavi quadam propensæ mentis facilitate, intentos pronæ in illam mentis oculos irretorto obtutu haberet defixos: ex quo aspectu sæpè illi innatus intimus quidam cordis ardor atque alacritas, quâ fociors demonium, à quo ad plumbeum quendam torporem se inclinari sentiebat, nullo negotio superabat. Dulce quiddam, alacre, generosum sibi tunc suggeri; & ardua omnia, veluti ceram à facie ignis, ab inexplicabili illa *MARIE* cor delectantis iucunditate liquefcere, solâ Virginis ad amandum imitandumque propositæ recordatione. Alterum esse quod inde hauriret; quod videretur sibi lumen quoddam è Cælo affluere vi huius recordationis, in quo lumine perspicuè videret inestimabilem dulcissimæ Vocationis dignitatem: cui adeò se affici sentiebat, vt diceret se, tametsi salutis certus esset, si mundo frueretur, nullis tamen mundi delicijs postpositurum ingens hoc ac tanti momenti donum. Nihil à se cælesti illâ Dominâ dignum agi: sibi fixum esse ac ratum, vt præmissâ diligentissimâ ponderatione id quod horâ quavis, & in quavis occupatione *DEI Matri omnium gratissimum fore intelligeret, ageret; neque ab eo se vllâ negligentia, vel tepore sineret retardari. Propè iam aberat, vt animam ageret, cum B. Stanislai poposcit imaginem: & allocutione suauissimâ illum consalutans rogauit, vt à Virgine Matre clienti suo suas virtutes impetraret. Tu, inquit Bernardus ad B. V. virtutum magnificis exemplis ad imitationem tui nos pronocas, sicque noctem nostram illuminas.*

498 P. Antonius Dauroultius in floribus exemplorum, Deiparæ cultum exemplis adductis confirmat, & docet. Agit cap. i. tit. 30. de B. V. perpetuâ

10. 2. orat.

ad B. V.

fol. 403.

obiit 1614

Tornaci.

M M

vir-

*Exempla
de illa col-
ligere pro
pijs collo-
quijs .*

virginitate miraculis confirmata . Cap. 2. à tit. 34. de Salutatione Angelica . Titulo 36. de cultu , & honore Deiparæ debito . tit. 37. de B. V. ab infidelibus etiam honorata . tit. 38. & 39. de inuocatione , & intercessione B. V. tit. 40. & 41. de beneficijs B. V. corporalibus , & spiritualibus . tit. 42. de illius patrocinio in bello , vel obsidione . tit. 43. adest B. V. suis clientibus in morte . tit. 44. de sodalitate Deip. Virginis . à tit. 45. de Rosario , & Salve Regina , de illius templis , & imaginibus ; de blasphemis in illam , punitis .

*S. Iosephū
colere .*

499. *P. Petrus Morales* ait se Beatiss. Virginis , & S. Iosephi suffragatione impetrasse vt in Societatem admitteretur . Impressit hoc anno Lugduni Commentarium luculentum in caput 1. Matthæi De **CHRISTO Domino, Sanctissima Virgine Deipara MARIA, veroque eius, dulcissimo, & virginali Sponso Iosepho.** Multa ibi eius in **IESVM, MARIAM, & Iosephum** elucet religio .

500. Posnanix in Polonia hoc anno , vt eius Collegij factis perscribitur , *P. Ioannes Conarius* 74. ætatis anno , in curru per iter inter decurrendum **Marianum rosarium, penè sine sensu animam exhalauit.** Ingens ad Matrem DEI augustius quàm facimus colendam compendium faceremus , si illam ita particularim in singulis officijs coleremus , tanquam si nos mors hoc agentes mortalibus rebus eriperet , ac silteret Iudici , & præmio immortalis . Tunc certè feliciter excederemus in æternam lucem , Virgine nos à tenebris vindicante : cui S. Ioseph Græcus hymnographus : **Salve, ò DEI palatium, in quo habitans vniuersos homines deificabit : Sanctificationis templum : lux, tenebrarum præsidem exterminauit . A Sophista malitia libera me .**

*m. f. 133.
Iul.*

7. Iulij.

Ad.

501 Ad huius anni calcem in Collegio Romano erecta est celebris illa B. MARIAE Pietatis, siue Communionis generalis menstruæ Congregatio, quæ Deiparam variè colit afflictationibus, colloquijs &c. Quotidie vesperi exhortatio ad illos habetur cum varijs exercitijs pietatis, cuius odor in omnem latè Urbem effusus fragrat, etiã Principibus exemplo pertractis. Ter quothebdomadis vesperi vnà se flagellant: Sacramenta frequentant in Angelicas hierarchias chorosque partiti. Communionis generalis per Urbem in alijs alijsque templis celebrandæ curam habent, Sancto quoque Xauerio cum Deipara in Patronum adhibito. Particulatim singula enarrare pertinet ad Congregationis, Collegijque Romani Annales.

ANNO MDCXV.

502 P. Claudius Aquaiua hoc anno vlt Ianuarij extinctus (de quo mea Incitamenta n. 46.) frequentes ad B. V. antiphonas, & selectos versiculos habebat in ore; ac sæpius repetebat. sæpè visebat S. MARIAM Maiorem; sabbato potissimum: vbi solidas ab illa & per illam pro Societate vniuersa petebat virtutes, nominatim has tres: Puritatem, humilitatem, charitatem, seu zelum animarum. Hoc nempè agebat Claudius quod olim S. Ioannes Damascenus dicens ad Virginem: *In te spem meam totam ex animo collocaui, & intentis oculis abs te pendeo.*

Pro Societate orare.

In m. s. Sabbat. ode 7. Litanias B. V. recitare, & propagare

503 P. Claudius Aquaiua cùm Societas quædam ardua pateretur, ex omnibus est feliciter eluctatus, indictis per totam Societatem de B. V. in hunc finem Litanijs, quas ipse per omnem vitam quotidie recitauit. Quod Mathildi scribebat olim Gregorius VII. Pont. Max. hoc Societati Claudius faciebat: *Matri Domini te principaliter commisi &*

3611

M M 2 com-